

Oqaluuserisassanut nassuiaat.

(Inatsisartut Siulittaasuat)

Siunnersuuteqartup siunnersuutini oqaluuserisassani immikkoortoq 119 tunuartippaa. Immikkoortup qulequtaraa: Inatsisartut aalajangiiffigisassaattut siunnersuut, Naalackersuisut peqquneqassasut misissuissasut Royal Arctic Line Kalaallit Nunaata iluani avammullu assartuinissamut sullissinissamik akuersissutaata atuukkunnaarsinneqassappat pitsaaqutissai ajoqqutissaalu, taamatuttaarlu assartuinnermut unammilleqatigiinneq eqqullugu. Misissuineq takussutississavaa sullissinissamik akuersissut peerlugu unammilleqatigiinnermillu eqqussineq aningaasatigut kingunissai qanoq isikkoqarnersut. Misissuineq Inatsisartunut UPA 2023 nallertinnagu tunniunneqassaaq.

Sanaartornermut Ataatsimiititaliap oqaluuserisassani immikkoortut 109-p aamma 136-p aappassaaneerneqarnissaasa kinguartinneqarnissaannik qinnuteqarpoq:

Immikkoortut pineqartut qulequtaraat

109: Tasiilami erngup nukinganik innaallagissiorfik allilerniarlugu nukissiummik nutaamik innaallagissallu aqqutaanik pilersitseqqullugit naalackersuisut peqquneqarnissaannik inatsisartut aalajangiiffigisassaattut siunnersuut, aamma

136: Tasiilami erngup nukissiorfiup allilernerqarnissaanik Naalackersuisut peqquneqarnissaannik siunnersuut.

Immikkoortut pineqartut ulloq 24. maj aappassaaneerneqassapput.

Ullumi ataatsimiinnermi oqaluuserisassani immikkoortut 70 aamma 120 siuartinneqarput, taamaalillutillu taasisarnerit kinguninngua siullertut oqaluuserineqassallutik.

Immikkoortut pineqartut tassaapput:

Imm. 70: Inatsisartut aalajangiiffigisassaattut siunnersuut Inatsisartunut Siulittaasoqarfik partiit tapiissutaat pillugit inatsimmi allannguutissatut siunnersuummik saqqummiussinissaat Namminersorlutik Oqartussani ukiumut sipaaruteqartarnissaq aammalu partiit akunnerminni aningaasatigut naligiinnngissuseq annikillissarnissaa siunertaralugu. Partiinut tapiissuteqartarnej pillugu inatsimmi allannguutissatut siunnersuuteqarnermi suliniutit uku ilaatinneqassapput: 1. Partiinut tunngaviusumik tapiissutit ukiumut 1 million kr.-mut qaffanneqassooq 2. Qaffasinnerpaafissaanut killiliussaq atuutsinneqalissaaq taamaasilluni annertunerpaamik qinigaatitanut tapiissutigineqartartoq qinikkanut arfinilinnut killiliunneqarluni, aamma

Imm. 120: Inatsisartut aalajangiiffigisassaattut siunnersuut, Inatsisartut Siulittaasoqarfiaq peqquneqassasoq siunnersuummik saqqummiussissasoq, Naalackersuinikkut partiit

ingerlatsisut naatsorsuutaasa tamanut saqqummiunneqartarnerat pillugit Inatsisartut Inatsisaat allanngortinneqarnissaannik1 taamaasilluni partiimut 10.000kr. sinnerlugu aningaasaliissuteqarsimanermi partiip naatsorsuutaanni kina aningaasaliissuteqarsimansoq taamaallaat allaqqanani, kisiannili aamma aningaasaliissutit qanoq annertutigineri aamma allaqqasalerluni. Aningaasaliissutigineqarsinnaasullu killissarititaa avaqunneqarsinnaassanngilattaq inatsisitigut pisussaatitaasunit arlaliusunit avinneqarsimalluni

Taasisarnerit pillugit uku akornanni isumaqatigiissuteqartoqarpoq:

Knud Mathiassen, Inuit Ataqatigiit aamma Pele Broberg, Naleraq.

Múte Bourup Egede, Inuit Ataqatigiit aamma Jens Napaattooq, Naleraq.

Kristian Jeremiassen, Inuit Ataqatigiit aamma Hans Enoksen, Naleraq.

Eqaluk Høegh, Inuit Ataqatigiit aamma Anna Wangenheim, Demokratit.

Mikivusuk Thomassen, Inuit Ataqatigiit aamma Siverth K. Heilmann, Atassut.